

傳家琬琰錄

滇南呂鑄敬題

歸德府志

吳興嚴氏隨分

傳家琬琰錄叙

謹案家乘我嚴氏出楚莊王後姬姓莊漢世避明帝諱改氏嚴
自侍中公助始相傳至宋高宗時中奉大夫清扈驛臨安
遂家焉四傳至福三公諱安卜居吳興之桂林村遂世為吳
興人長子念翁公諱道高徙居鳳林里即鳳林派之始遷祖
也又四傳至公諱宗義復分居曬甲兜等處別為儒林派
其居桂林者為桂林派分居石象山東雙林郡城等處故吳興
嚴氏世系雖出於一而支派後分為三云溯自遷湖以來六百
餘載代有聞人老耀史榮熙觀鳳林家乘暨閱莊懿公所編次

流芳錄於 五世祖西塞公事蹟章矣其餘每每詳郡邑志或
 他書籍而家乘及略而不詳後世子孫欲具知先人嘉言懿行
 其道無繇載記曰先祖有美而不知不明也知而不傳不仁也
 推是說焉凡為人後者稱頌祖德與有責欣歎豐鳳林派後裔
 也端居多暇不揣譎落陋爰自 念翁公始下汜今茲凡三派
 中有勛業文章義行節烈卓然炳然可師法以垂裕後昆者集
 其碑銘傳略彙錄成編名曰傳家琬琰錄一以彌家乘之缺憾
 且以牖啟後人有而觀感云爾壬子六月八日啟豐識於京邸
 隨分讀書齋

576337
D 7 139

傳家琬琰錄

卷二



〔宋〕

始遷祖

提刑使念翁公家傳

鳳林家

〔元〕

平江路崑山州府州使嚴公應雷傳

湖州府志

故徵士雲峰嚴公墓誌銘

劉三吾

贈工部尚書嚴府君墓碑

高遜

〔明〕

誥授資善大夫工部尚書嚴公震直列傳

明史

浙江

府志 烏程縣志

資善大夫工部尚書嚴公神道碑

茹瑞

明故長蘆鹽運使嚴公敬傳

湖州府志

恩褒孝子嚴公宗仁傳

湖州府志

吳興嚴孝子進齋墓碑銘

鄭濟

贈南京刑部郎中嚴公義傳

湖州府志

鎮遠府知府嚴公鳳傳

全上

嚴公大節傳

全上

滁洲知州嚴公汝麟傳

全上

廣信府知府嚴公正邦傳

全上

州孫榮傳

楊鳳苞

崇祀先賢寧國府教授嚴公大觀傳

湖州府志

錦州嚴先生墓誌銘

錢鎮

巡按遼東御史嚴公杰傳

湖州府志

晉江縣知縣嚴公自完傳

全上

贈禮部左侍郎蘇州府同知嚴公覺傳

全上

贈陝撫西巡撫嚴公錫傳

潮州府志

該授通奉大夫陝西巡撫嚴公爾珪傳

全上

諸生嚴公啟隆傳節錄戴重事錄

全上

開之公傳略

族孫義瀾

崇祀鄉賢贈禮部侍郎嚴公有穀傳

潮州府志

嚴孝子有邑傳

全上

循吏嚴公廣興傳

族孫可均

徵士嚴公壽開傳

潮州府志

增費恭庵日記一則

芳先嚴公紀略

沈冲志

莆田縣知縣嚴君洎配陸婦人墓志銘

馮夢禎

傅家琬琰錄



通志藏本

吳興嚴啟豐迪莊輯

錄



宋

始祖

提刑使念翁公家傳

念翁公諱道高字五峯由長興桂林卜居烏程之鳳林里遂世家焉仕宋為提刑使後致仕歸躬耕力業以勤儉大厥家忠厚樂施人稱長者宋開禧乙丑二月十二日生元元貞丙申十二月初九日卒春秋九十有二葬桂林洪務山西麓配臨安卞氏

子一奎進士年應龍為之傳

鳳林嚴氏家譜

啟豐謹按年應龍傳去乘家譜俱未載年遠代湮無從考錄

姑從闕

讀書齋寫本

〔元〕

平江路崑山州司舶使嚴公應雷傳

嚴應雷字震卿烏程人元季薦為平江路崑山州司舶使尋

以兵難解綬歸田至元丁酉張士誠寇吳興守臣達不花等恃

應雷得免於難故官遺族率貧窶困餒週恤無虛月而親友室

廬道路輿梁費計費而作新馬劉三吾為銘其墓子震直

湖州府志

人物傳

嚴應雷烏程人元末擁素封之資孝行內篤仁恩外洽脫守臣

之家難周故官之廩餼拯溺解厄惟月不足子震直烏程縣志

人物傳

贊曰遷湖數世始出而仕提舉崑山小試已耳大啟爾後忠

孝繼起顯榮褒大光昭國史

鳳林家譜

讀書齋寫本

故徵士雲峰嚴公墓誌銘

皇上宵旰圖治夢寐英賢思得大家恒產心若人登庸與任大
事於是首得浙江吳興烏程之驪村里嚴公諱震直即擢布政
司叅議署通政司事與之祿辭不受曰臣不才無補自長萬石
未叨蒙恩宥保家所有及是區內毫毛胥帝力也敢希祿任以
未官謗請辭上高其行諡允之繼改戶部郎中賜之第宅并免
其所長稅石俾一志在官得展布焉人皆曰是果何修而得此
乎哉二載陞冬官侍郎感荷知遇鞠躬盡知無不為曾未期月
即轉冬官卿階資善大夫四年之間位極相臣之貴則謀所以

發潛德貴顯狀其考雲菴行實懇銘於翰林太史氏謹按其
狀序而銘之曰公粹應雷字震卿雲菴其號也嚴氏之先大梁
人鄭國穀公綬之後南宋高宗之渡江實隨駕駐蹕臨安高太
考念翁遜古今所贊烏程之顯村家焉娶邑人卞氏夫婦儉勤
自殖力業耕織以有室廬買田幾數頃躬耕樹藝所至有成是
為起家始祖忠厚樂施人稱長者生曾大父天水天水生大父
春崖連世抱德場和家用愈饒春崖翁生雲庵靜淵雲庵年甫
勝冠志即不群喜交賢士大夫奔人之急甚己之急妣東遷于
氏淑德令儀克相夫子孝事二親奉匭佐餼承色逢志家慶藉

如娣姒相睦不殊姊妹周窮恤匱惠及閭里尚書父子兄弟純
純藝：非偶致也雲菴生於元至大庚戌丁亥月初六日卒於
今洪武甲寅庚午月十五日壽六十有五安人生於元至大辛
亥乙未月十二日卒於今洪武丁卯戊申月十一日壽七十七
女曰守貞適邑人李氏三男長即震直次圭次敬家居謹守先
業不敢毫髮預人事尚書室吳氏唐氏男四人長宗仁娶張氏
次宗禮娶許氏繼朱氏次宗信娶沈氏次宗德娶張氏女四人
孫三人圭室施氏男一人宗義娶倪氏敬室沈氏男二人宗賢
娶韓氏宗俊娶某氏女一人雲菴與安人合葬於黃溪之山山

之後曰仙人頂前對弁峰而瞰凡常湖天月之水東連蒼雲洞
庭之流高堂其墓之前顧曰時思為春秋拜掃所吾聞是家應
門治家規戒至嚴今尚書宦所中外檢飭尤謹有溪萬石家君
家父子之美信哉居家理政治可移於官也法宜銘之曰
有美嚴氏餘慶所暨父大厥家子世其美感惟皇化不為祿仕
辭而祿而官竭忠所事親以子貴錫典宜責惟子之賢感恩疊
異黃溪有山一老所瘞墓所之文玉堂所誌我銘永傳爾後孔
識

奉議大夫翰林院侍讀學士兼左春坊左贊善劉三吾撰文

贈工部尚書嚴府君墓碑

歲在辛巳正月甲子工部尚書嚴公震直夜請於高遜志曰某
之先世家大梁西川節度鄭公國毅公之裔建炎初扈跸南渡
思陵寓都臨安我為大父遂占籍湖之烏程因家焉曾大父天
水翁大父春崖翁三世咸服田力穡以樹藝播種為業鎔積錄
累愈厚於貲而膏腴之壤連亘阡陌以勤儉處約大其家義方
訓迪成其子及吾父子生而實產日盛鄉邦稱鉅室焉吾父安
相魁偉頤然豐下幼事大父母純孝至飲食服用之需雖務豐
腴而恒弗使過度自徵賦百役之煩所以幹父之壘者供億趨

辭竭力酬應雖程期峻急而區畫有方守宰僚屬往、饗其能
吾父每入城府遇物之新美者或未薦於祠未羞於親則不忍
先嘗而賓客之奉則豐約視所有而不以治具邀名或通親密
友之患難則奮不顧利害以扶持拯濟之故元季年用薦為平
江路崑山州司大使尋以兵難薦興解綬歸田里既而群
盜竊發郊棲野處之民弗寧厥居率攜挈老倪依止以自取至
於挾怨仇殺以逞其恣睢者輒委曲慰解之至正丁酉秋張士
誠陷姑蘇聘寇吳興監察御史達不花等家屬皆寓郡城姦黠
無賴輩同惡相濟欲劫致士誠所吾父察知其政潛具舟俾達

於湖濱由是皆獲免同知府事眾家奴寄粟二千斛為盜所掠
吾父憤之無難色而以質劑稱貸者填塞盈筭悉毀棄而弗更
存暨入國朝故宦遺族率貧窶困餒生事孔艱吾父別恤無害
月而親友室廬之撓壞道路輿梁之損折往、弗計其費而作
新焉洪武初廷議以郡邑鉅室總征賦之數歲輸貢師時稱糧
長吾父首膺其選所役之民有麗於法者惟薄錄其家而吾父
即被召至京上賜見於便殿俾食大官而慰諭遣還吾父暫躋
仕籍尋歸隱以終其身雖無闕閤勲勞可以登載而里居世系
行治之詳尚不具刻於石何以使後人知所自乎曩歲翰林學

士劉三吾氏嘗為銘其墓矣公實太史為弗靳而俾之文尤嚴
氏萬世子孫幸也敢以為請竊聞古之為民者四惟士尚老而
農務本故興賢舉能率有取乎此而工商不與焉自莘野之耕
而虞門隆中繼踵而起千載以還士之埋於楚者先代不乏人
若夫君克繼世葉以大其家奉親則勉誠敬以修其子道事君
則務恭儉以守其臣職尤富而好禮積而能散祥慶所鍾克生
令子遇逢聖時顯被知遇由布衣登朝欽位二品膺中執法大
司空之任非先世樹德藝善自天佑之時克臻此府君復能引
而升替世濟其美而尚書公又推恩錫命以賁其光不亦盛哉

府君生於故元至大庚戌十月十六日卒於皇明洪武甲寅五
月十五日享壽六十有五嶺干氏以至大辛亥六月十二日生
洪武丁卯七月十二日卒春秋七十有七子男三長震直由河
南布政司參議累遷工部侍郎都察院右都御史兩拜工部尚
書階資善大夫次圭次敬女一守貞孫男七人宗仁宗義宗禮
宗智宗信宗德宗俊孫女五人合葬於烏程縣黃溪山之原銘
曰

升山蒼々其浸蒼川原隰廣衍卉木清妍維茲名邦古稱樂土
生才孔良孰能悉數巨室桐望善積惟嚴富而好禮靈約持謙

嗣謹其承綿三葉益大以昌恢宏世業職雖寬庫仕域方躋
躋而弗有儕彼群黎餘慶所鍾篤生令子敷於王庭薦登顯仕
郎官御史執法司空亞於極品組疊珪重服事皇朝克著嘉績
推恩所生獲封寵錫流長源遠祿彼曾孫太史有銘

前翰林院侍讀學士中順大夫太常寺右少卿高遜撰文

〔明〕

欽定明史列傳

嚴震直字子敏烏程人洪武時以富民擇糧長歲部糧萬石至
京師無後期帝才之二十三年特授通政司叅議再遷為工部
侍郎二十六年六月進尚書時朝廷事繁建集天下工匠於京
師凡二十餘萬戶震直請戶役一人書其姓名所業於官有役
則按籍更番在之役者稱便鄉民訴其弟侄不法帝付震直訊
具獄上帝以並不欺赦其弟侄已坐事降御史數雪冤獄二十
八年討龍州使震直偕尚書任亨泰諭安南還條奏利病稱旨

尋命修廣西興安縣靈渠審度地勢導湘瀕二江浚渠五千餘
丈築漢潭及龍母祠土堤百五十餘丈又增高中江石堤建陡
闊三十有六鑿去灘石之礙舟者漕運悉通歸奏帝稱善三十
年二月疏言廣東舊運鹽八十五萬餘引於廣西在商中買今
終年而運總十之一請分三十萬大千餘引貯廣東別募商人
粟廣西之糧衛所支鹽廣東鬻之江西安南贛州吉安臨江西
府便帝從之廣鹽行於江西自此始其年四月擢右都御史尋
復為工部尚書建文中嘗督餉山東已而致仕臥祖即位召見
命以故官巡視山西至澤州病卒

嚴震直烏程人器宇宏偉洪武初以稅戶授布政司參議累官
工部尚書轉右都御史所至能聲卓著嘗出使安南不辱命朝
廷特加寵眷詔復其家丁役以旌表之

浙江通志

嚴震直字子敏烏程人以富民推擇為糧長歲部糧萬石至京
師無後期帝才之洪武二十三年特授通政司參議改戶部郎
中遷工部右侍郎二十六年進尚書時朝廷事營建集天下工
匠於京師凡二十餘萬震直請戶役一人入書其姓名所業於
官有役則按籍更番召之役者稱便鄉民訴其弟侄不法付震
直訊具獄上帝以為不欺赦其弟侄坐事降御史數雪冤獄使

安南還條奏利病稱旨尋命修廣西興安縣靈渠審度地勢導
湘離二江浚渠五千餘丈築溪潭及龍母祠土堤百五十餘丈
又增高中江石堤治陡闊三十有六鑿去灘石之礙舟者清運
悉通歸奏帝稱善三十年疏言廣東舊運鹽八十萬餘引於廣
西召商中買今終年而運纔十之一請分三十萬八千餘引貯
廣東別募商人入粟廣西之糧衛所支鹽廣東鬻之江西南安
贛州去安臨江四府便帝從之廣鹽行于江西自此始擢左都
御史復坐事降御史尋復為工部尚書建文三年督餉山東已
而致仕成祖即位召見命以故官巡視山西至澤州吞金而卒

潮州府志

陞

嚴震直字子敏烏程人有器識洪武二十一年以稅戶至京陞
見將授官丁內艱服闋奉朝授河南布政司參議留署通政司
事十月改戶部郎考實江西賦稅五百萬二十四年賜第於崇
禮街其明年陞工部右侍郎六月拜尚書時營建方殷綜理周
密調用夫六十萬開騰脂河移置五府六部凡事必入奏而後
行二十七年命督天下多載桑棗十二月降御史廣西龍州趙
宗壽潛通安南奉使往諭開示利害國王及臣保恩聽命二十
九年復往廣西立接應法以通鹽販導南北二江南日濬自廣

梧入海北曰湘自洞庭達于長江築堤治陡隄三十六旁通靈
 川千秋峽鍾象鼻石峰鑿灘磯以通舟車之路工費曰老嚴成
 此巨功朕任得人矣三十年還陞右都御史盡心刑獄脫雪居
 多詔觸其家徭役力辭致仕居西塞山中永樂初以舊臣召見
 命往山西宣諭九月以疾卒于澤州祀鄉賢萬歷初袁遵國諸
 臣予特祠祀于郡有司春秋致祭府志前編行
業名賢傳
 明嚴震直字子敏號西塞洪武初以稅戶陞見特授布政司參
 議留署通政司事江西輸賦愆期改戶部郎中考覈五百萬石
 皆輸足賜第崇禮街歷工部尚書僚屬以事忤旨降北平道監

察御史會廣西龍州土官趙宗壽私襲職議正罪龍州興安兩
 密通詔往諭國王陸臣聽命又按桂林開靈渠隄三十六循故
 道歸奏議功勳其子孫丁役陞都察院右都御史仍工部尚書
 靖難時以舊臣召見奉命宣撫山西卒於途烏程縣志

朱彝尊曰載考文皇帝實錄壬午七月二十三日詔云朕居
 藩邸凡百姓艱苦靡不知之數年兵行北方之民未安朕夙
 夜不安乃命前工部尚書嚴震直戶部致仕尚書王純應天
 府尹薛正言等分往山西山東陝西等布政司巡視民瘼何
 弊需革何利當建速具奏來尚書受詔往山西是秋九月十

一日病卒於澤州公廨舍之忠誠伯茹琚所撰嚴公神道碑
無異初不聞長陵密詔往雲南訪建文帝也吾學編述國表
紀等書不知何所據信存金為寶列尚書為後死忠臣之首
萬歷十九年巡按御史黃鍾疏請建祠榜曰旌忠烈在祀典
越數十年其裔孫祇字文昭作祠祀辨大指謂吾祖功業炳
耀史冊何藉存金一死以罔天下後世黃公欲顯吾祖適足
以誣吾祖也噫文昭不欲誣其祖可謂賢子孫矣

昔竹垞先生在史館有問遼國事宜何書以宮中大帝廟五
字對迄為定案帝既未嘗出亡安所得從亡有過程濟破極

車諸附會事稼堂先生辨之詳矣俗演千忠會傳奇乃史彬
後裔鳩刻致身錄射利微予族金不逆偽造誣讒然先公奉
命山西與雲南風馬國史具在世豈皆沒字碑哉竊念太祖
何自主擢自布衣呼之曰老嚴眷顧殊密挾持大有具矣長
冬官班天下匠役凡二十餘萬戶為御史為都御史平反冤
獄全活千餘人定東廣東西江西四府鹽法使安南致書於
其王與相卒如詔指圖其阮塞以獻贖則刻之尤著者治興
安興靈渠導湘灘二江潯溪潭建陵廟三十有六鏟危灘中
石土人謂史祿馬伏波後一人然則功固足書輕重不爭一

死且先公之死也甚詳當文皇登極已退歸賜第終建文朝
不仕安撫係空銜一入晉界當受事輒解金盾誠老奴填好
洩其時隕宗湛族固不忍先業之不祀亦以死吾分也何貴
名為史書疾卒蓋據實錄正與遺令計問必以疾一語符合
其不死於疾死於金蓋信不終萬歷中臺官臣豈無所據以
請禮臣與神廟何遽乞之賜旌忠額臚祀典哉蹇忠定夏忠
靖官已貴率先迎附執而釋之皆以忠易名三楊亦非自代
來者卒為名臣無庸遠引管仲例先公固可以死可以無死
今斷一出于死而人顧疑之惟其詳也然先公先自詳且

惟恐天下後世不共詳夫不知詳之之故故生疑則疑適如
先公心先公心彌苦識力更出蒙顯難櫻奇禍諸公上矣嗟
乎補鍋衣葛河西傭東湖蕉夫方埋名如不及先公亦猶行
此意也夫

明史雜
詠卷二

資善大夫工部尚書嚴公神道碑

聖天子握乾符克清海宇繼承大統躬屏奸用賢以理庶務首
處四方之民未獲安所乃分遣廷臣撫之由是資善大夫工部
尚書嚴公簡在茲選制曰卿乃先朝舊臣宜往山西宣布朕意
公受命往焉馳驛至澤州遽疾卒於公館實洪武三十五年九
月十一日也訃聞嗟悼遂命其孤宗禮昇柩歸葬檄所經郡邑
以助其力越永樂元年正月十九日襄事既終宗禮以公墓在
未刻乃走京師乞銘於余遂叙其行與事如其狀云公諱震直
字子斌世為吳興人曾大父府君諱奎大父府君諱霖父府君

詳應雷代濟隱德而名不則彰。見稱縉紳間。初應雷府君未
有子。嘗禱求於神夫人于氏感異夢而生公。幼即穎悟。居庠序
則嗜問學。甫壯。器益宏偉。長負美鬚髯。有扶康舉術遊者。見之
曰。子必為顯人。異日予言可徵也。公性孝友。外雖若厲。肅而中
則寬厚。母夫人雖小疾。必親侍湯藥。居應雷府君喪。及建家廟。
奉時祭之禮。皆中儀矩。處昆弟間。尤尚敦睦。教子姓。則延名師。
必先禮法。而後文藝。立義塾以訓迪。凡子弟年饑。則發私廩。
以賑困餓者。葬內外宗戚鄰里之不能葬者。十餘喪。此公之處
家庭鄉黨之疏節也。太祖聖神文武欽明啟運峻德崇功統天

大孝高皇帝統一海宇之四年。著治粟法。每萬石則擇甲戶長
之公。蓋甲也。居二十年。廉頗周密無纖介可議。事故易集。既而
國朝取人於族大。而才德備者任用之。公首膺是選。將授官適
丁內艱。服闋起授布政司使。左叅議。署通政司使事。四方文牘
洎冤抑赴愬者。旁行上達。無所壅蔽。改戶部江西司郎中。會去
安諸郡通租。後期公鉤摘隱弊。悉自輸納。上嘉之。乃復其家賜
第於崇禮街。率其子宗仁等入謝。以佳宅見稱。公嘗疾。告敕太
醫院判戴元禮往視。以藥既愈。陞工部右侍郎。尋拜本部尚書。
階資義大夫。時鑿騰脂山構五府六部拱於闕門南之左右。規

畫經度雖出睿思而程工計材搏編浮費以底於成則公之力也先是天下隸工籍者二十萬計有徵發咸集京師上命立法以裁約之公奏以四時為班班若干人餘老還歸及期則更代其勞人咸便焉上詔廷臣舉孝義篤行之士備東宮官屬公首以浦江鄭氏薦部事嘗忤旨公懼及僚吏以負任之改北平道御史民屬咸告盜糧拘牽百數十人按察司具成案胥抵死公察其寃悉為辯白廣西龍州土官趙某死兄子宗壽不俟命擅襲其職朝廷將討罪安南甯鄰境命公諭之毋自疑貳以匿遁逃公至則曉之以恩咸詞命激切其國人皆感悅聽命公將還

以兼金百鎰名香文幣為贐公謝却之咸謂公得為使之體道經二廣時運鹽官民交病數多公還奏減其半造命公往設法以通行鹽州郡凡河渠險塞者公即經理之桂林屬邑興安有白靈渠匯湘漓兩江之水而分導焉南自蒼梧注於海北自靈川入於洞庭渠以陡名者三十有六夏秋積雨則奔湍暴漲衝蕩闢激而隄防善地屢至湮塞公命有司徵工若干發傭若干剗闢激湍循其故道延袤五十餘里提木捍土以築其隄磬石甃闌以扼其端因地勢而委瀉之架梁於上鑿竇於旁以濟行旅以溉耕甌自是居而農者舟載而塗負者化艱為夷良有假

利僉曰是渠之誠固出皇上誠算然由秦史祿漢馬援世去千載暨公始三人焉功訖以聞上喜謂廷臣曰老嚴成此巨功朕授任得人矣公出使且閔歲所至責有司後均賦役屏奸貪而尤以省風俗興學校為先務適桂林大旱公審理冤獄多所平反議者謂其知大體已而甘雨沛然遐邇霑足大將楊某帥師征南師徒失律遂奏劾之林蠻洞獠恃險嘯集聚貳傳檄撫諭南服款平而無警矣師嘗於民間借牛三千頭南丹屯種而民驅牛以從人牛俱奪其時牛死且無還理公奏請給鈔償其價歸其入公里中惡少年父子俱犯法謀欲脫已而誣公長子宗

仁及壻莫潤法司追逮未白宗仁斃獄上知其冤特誅惡少年父子及原鞫官吏而釋公壻次子宗禮入謝命扶柩歸葬焉公還自廣西以所按之事不避權要凡臧否者悉條奏之尋陞都察院右都御史一日上御華蓋殿退朝目公從容謂左都御史楊靖等曰老嚴姿相豐厚不類南人福祉其未艾乎甫旬月復拜工部尚書蒞政視前奉職彌謹公敷歷幾十年恒以滿憂為懼祿賜之厚未始受其圭撮悉固辭以佐經費未幾太祖高皇帝龍昇鼎湖公抱遺弓而泣者五年而卒則此則公居朝廷事君盡職之大節也享年五十有九娶吳氏居氏四子四人長宗

仁先六年卒次宗禮宗信宗德皆謹厚好學有能子稱女五人
長適陳鍾次適張辰次適許文次適莫潤次未笄孫男六人孫
女六人皆幼公所葬郡之烏程縣九原鄉西塞山之原公愛是
山因自號西塞山翁嘗曰吾死葬於是蓋治命也著家範一帖
賦詩若干首名遺興集云嗚呼天之畀才於人而受之者何充
嗇之不齊耶天畀之人受之尚無不齊則公之才奚獨豐碩而
異於人也聞其未仕也則以孝弟謹愿之行儀於家著於鄉矣
觀其既仕也則以貞諒通敏之具蘊於心措之政矣事太祖高
皇帝僅十載卒致身於六卿之列其才之所施是非不負其天

之所畀者歟天之所畀者既如此而公之遭逢盛明恩澤之所
濡爵祿之所榮則君之所畀之者又如此方期與公賢理聖天
子億萬年之治尚假以年則所膺之恩爵當不止乎是也夫何
昊天不慤遺老卒止乎是天之理其可問耶公今已矣尚忍執
筆而銘公之墓耶雖然予與公交久而分深知公之志者莫予
若也予而不銘奚而為之銘銘曰

惟我天畀才時不欲充奚肯受之充嗇靡同天畀人受有充有
嗇何獨畀公既豐且碩著之於鄉鄉人是望人何望之才賢孔
良既出而仕左右天子明試其才厥開盛年迺參議政迺登戶

曹以贊國徽服勤爾勞帝乃褒之賜以第宅既榮其身復繼其
後謀謨廟廊逆長冬官履聲所至百績具完龍州之夷秦其葬
軌詔諭安南謂公宜俾公持使節風采振揚宣昭皇度正其典
常桂林有渠瀧濤噴激隄防荐摧歲屢堙塞公力浚之渠夷疏
通民獲攸利多公之功時常抗旱決四兩足糧寶嘯聚馳檄諭
服初將南征假牛於毗奏請償還龍不廢耕少年冒法詭謀脫
己公之長子遭誣逮理銜冤告斃命梟毘睚誅及司刑天始霽
威公還慰勞使糾百辟躬冠我、清揚濁激於時先帝有棄此
民騎龍昇天遺我下臣下臣皇、攀附莫及去茲五載抱弓而

泣聖人繼統萬邦維新乘時奮庸騰翔風雲帝眷西服孰往而
撫公爰在選用慰茲土載宣皇恩載揚仁風望華之詩方美於
公豈期昊天不弔遺老逆使執車覆於中道蹇、舊臣既賢且
優訃聞九重歎葬故邱嗟公之才豐碩而美莫其大施何止於
此嘉聲懋績石有麗牲史或未遑先此載銘

奉天訓導守正文臣特進榮祿大夫太子少保兼兵部尚書忠
誠伯茹琿撰

明故長蘆鹽運使嚴公敬傳

嚴敬字克恭號如孩歸安人永樂十九年進士知霍邱縣民物
阜推監察御史巡按山西福建激濁揚清風紀凜然正統末朝
議以鹽法久壞特簡法司有才能釐飭之擢長蘆鹽運使甫蒞
任而卒性篤實敦尚行誼于忠肅公為作行狀著有如孩集

府志人
物傳

恩褒孝子嚴公宗仁傳

嚴宗仁字儒琳烏程人震直列傳長子母屠氏病坐醫藥罔效宗

仁焚香默禱剝股作糜以進一啜良愈鄉里將闢於有司請旌

宗仁固止之鄭濟嚴孝子墓碑歿後有以其事闕於

朝恩褒孝子

賜宗葬以表墓湖州府志人物傳

吳興嚴孝子進齋墓碑銘

昔昌黎韓子著鄴人之說謂其傷殘以為養不聞千古不傳於世不可施於天下遂以為不當嗚呼韓子豈徒言哉懼夫世之人希求旌異更相慕效莫顧毀傷滅絕而靡然從之故立言垂訓以扶世教雖然人子感親之恩昊天罔極誠遂百年之養視猶瞬息不幸疾之危殆其藥餌之功有所不及斯時也倉皇駭愕茫然無措苟得其效雖傷殘肢體至于滅絕尚何暇計耶其情亦可憫矣是故剔肺以為食稽顙北辰以求身代書之傳記名彰無窮蓋由東華之君子審其愛親之極因深憫其情而有

取焉俾零世之遺孀者聞而愧并若不吝身於天地之間其為
激勸豈可忽哉予于吳興嚴孝子尤深慨歎者矣孝子母夫人
屠氏嘗嬰疾甚亟三易醫罔效孝子計無從出遂焚香默禱封
股作糜以進一服良愈鄉之耆老將移文有司轉達于朝孝子
固拒而止之荏雲之民庶暨浙右之士大夫咸以孝稱之亦足
以表其心矣孝子名宗仁儒琳其字也世居吳興烏程之驥村
春崖府君霖之曾孫雲峯府君應雷之孫今都察院右都御史
震直之長子母即屠氏御史公以碩才重望登用于朝躋顯秩
家背之責孝子力任焉洪武二十四年欽承聖天子恩復其役

僭弟宗禮等入謝上顧稱佳邑退見東宦家問以齒蓋異數也
家素豐而閑於禮承旨建家廟三楹更以名材充舍矩度冠婚
喪祭一倣朱子定制而行治田一區于廟之東北隅夏之至日
潔醴牲告奠奠既率諸弟躬耕其間儲其收以奉祀事折槐木
盈尺者為簾四條父訓細書其上俾三弟各執其一遵奉不違
嘗讀吾門鄭氏家範意有所合因稟命親闈而交婚焉喜賓客
樂施與軒車過門雖未識必款洽歡如平生境之興梁毀者新
之民無病涉二十六年國朝役丁夫鑿陂陂山運河夫還有飢
渴者具飲食以為餉人咸義之宗姻有違戾者輒引古昔孝友

之家為論從容聞導聽者交歡如初二十九年里中惡少年犯
法詞連孝子寃未白死于獄年終二十有七皇上傷其寃處少
年父子以極刑治刑官如律勅弟宗禮昇柩歸葬于本邑黃山
之原生于洪武庚戌三月二十七日没于丙子四月二十六日
葬于是年八月十一日娶張氏生子二曰廷珪廷珩二女皆幼
宗禮以墓刻未具復走京師請銘于予予與孝子父都御史公
深契厚孝子昔來有過予官署執禮甚恭某也躬親聖朝興嗟
于歲陞之間可謂哀榮之至嗟夫唯孝之道可通神明今觀孝
子起母疾于顛危之際匪精誠所格能致此耶惜乎才德之美

無一祿之沾孝行之著蔑一命之旌嘗意其豐碩廣額白鬚長
身類享遐齡者今其已矣忍不悲夫余特感昌黎韓子郭人之
說為究其情以慰其悲于地下詩有進齋稿一帙留于世

銘曰篤愛者親重惜者身感親恩而思報身不啻於姪屢母疾
其危祈禱虔申縻纖肌而致愈誠蓋有格於神於戲孝子懿行
純純雖弗永年名徹紫宸黃山之陽勒詞貞砥過而覽者弗改
容而竦敬則非孝子義之人

奉議大夫左春坊左庶子浦江鄭濟撰文

贈南京刑部郎中嚴公義傳

嚴義字素庵歸安人多隱德常入市路拾遺金守之信宿弗敢
去果有人號泣來云其父以通糧繫獄齋庭以償者義悉還之
其人拜謝遺金歸後即其地築亭勒石願曰還金亭又有偷兒
踰垣而入義知為里中某急持金贈之勸其改行且促之去及
義沒其人未幾慟不已自言某即當日偷兒公全我我安忍沒
我公義其至行感人如此以子鳳貴贈南京刑部郎中

湖州府志人物

傳

鎮遠府知府嚴公鳳傳

嚴鳳字季祥號溪亭歸安人宏治十四年舉人績學砥行有希

聖之志正德十五年授分宜縣表張敷政以寬便祐宜民部使至

背糧急鳳請身代繫以需征期立傳箭速遞發以警探報自奉

最儉敝衣疏食而已陞南昌府同知通江西甯監權龍江絳毫無

染表張擢鎮遠府知府建鐵山溪關門至今呼為嚴關致仕歸民

以清風高節送行至家道選林泉無一椽之築表湖士大夫翕然

宗之稱溪亭先生表張同里施相之佐施翊之佐兄弟俱以知州

致仕田產參差有唇齒之隙親友目為處分不能解鳳素以孝

友著聞事也如父周卹伴愛無所不至是時偶過邇之於舟中
邇之語及產事鳳鸞戲謂曰吾兄儒者正苦之使得知如令兄力
量可以奪吾田吾復何憂因揮涕不已邇之惻然感悟遂拉鳳
同至相之宅且拜且泣深自悔責而相之亦涕泣慰解乃各欲
以田相讓遂友愛終身其誠能感人如此陳良謨聞卒後數十
見紀訓
年張永明過分宜邑人知為嚴鳳鄉人問曰嚴外婆無恙乎曰
棄世久矣聞者皆慟西山祀鄉賢湖州府志
人物傳

嚴公大節傳

嚴大節字后溪嘉靖間貢生清介不阿父鳳令分宜以正直稱
為南昌郡丞攝府篆出地得官未聞其孫在署患瘧以一斗見
遺大節曰此官未止可官用豈宜入私室亟送還父聞而嘉之
湖州府志
人物傳

滁州知州嚴公汝麟傳

嚴汝麟歸安人嘉靖四十四年進士知衡水縣精明果毅不畏
權貴升滁州知州下車即訪時俊商確利病旱禱雨飢應歲饑
且疫捐施藥餅建尊經閣校士課業士子翕然宗之

滁州府志
人物傳

廣信府知府嚴公正邦傳

孫榮傳
附後

嚴正邦字一醇歸安人萬曆十四年進士官太常博士耿介無
依附遷刑部主事歷員外郎執法不撓以清靜稱有疏陳侃
切中時弊士論翫之陞廣信府知府未到任卒貧不能殮同官
似助得歸孫榮出為東阡沈尚書演後

湖州府志
人物傳

沈簡討傳

楊鳳苞

簡討名榮字仁叔一字塵外本姓嚴歸安石塚人廣信知府
正邦之孫也正邦初官太常博士時烏程沈尚書演與之雅
讀書京邸因請業焉演既貴感師恩簡討乞生未滿月乞為

似子以示報也蘭討長而才具揮霍志節矯矯汲古好學頗以匡濟自負著義俠聲一時名士皆与之游注名復社不以演兄弟黨閹鄙之尚書富甲江左及卒兄子榮嗣而居蘭討于上林村榮頌之末國勢傾危思為勤王之舉散財結客劍俠奇才坐上常滿當是時四方豪傑之士無不知上林沈石墩者蘭討有別墅在化石墩人因以石墩呼之事垂集而北都之變聞不一年南都又破四方義師麻列皆其舊識往來黃蜚吳易軍中為之運籌而韓絳祖賈宏璣復入郡城蘭討并佐之魯王監國于東江傾家輸餉遂負監國選授翰林院

蘭討榮之子重熙授御史銳欲上而清兵已下越中魯藩遁跡海外居數年去監國號蘭討雖竭力資之而鄧林之望增矣無何李元且御史之獄起李元且如舉人侍郎之橋子也魯監國時官御史而之橋避亂遠游常寓仁叔家有謝庭蘭者妻重也與元且妻通元且殺妻庭蘭走京師告發之橋被執下獄不食死与元且同戮者一十四人薛運二沈執至江甯抗慨對簿曰五世相韓之痛風所盟心事皆有之何必問重熙先斃獄中己亥三月蘭討死于西市臨刑止授絕命詞神色不變汪曰槓南得鎮志人物傳

謹按仁叔公一世家子耳思以曠斧橫當天戈智窮力竭死于市朝在識時者觀之鮮不目為至愚矣然其不忘

勝國區：草莽忠義之心有足多者哉 朝褒賜故明抗
拒諸臣如史道隣黃石齋以及微賁末秩之死節者皆獲
統議此大公正正之道也汪謝城南潯鎮志特載公事具
有卓識茲特附列廣信公傳後以補家乘之缺憾云爾孫
啟豐識

從祀先賢國府教授嚴公大觀傳

嚴大觀字子厚號錦川烏程人弱冠有文名於進退出處之際
卓然有以自持從唐一庵先生學一庵嘗曰嚴子渾然端厚非
未能量其所至也劉南坦每見大觀必稱曰嚴長公年五十以
貢謁選得江陰訓導轉嘉定書教諭歸國教授致仕歸太守李
頤重其品延為鄉飲大賓

湖州府志
人物傳

錦川嚴先生墓誌銘

嗟乎士抱用世之具恒以遇事為難居上位每欲推戴賢人君子之在下者恒患知人之難此二者古今通患吾黨錦川先生人品魁梧暢達文章如其為人目之曰此利器也弱冠知名當道先達時時稱道其文章然不當推擇之任及大比考官從中往往以輕利纖巧奪其宏深大雅淪落不偶此非上人之罪也士不遭際莫可如何吾故曰士以遇時為難也夫文章高下在人士有定論猶有錯誤若從下流因滯中識其雋穎如抱璞知玉必深識遠覽超然有得於形器之外固未易也先生氣深

厚人不能窺測其深淺至進退去就之際卓然以大節自持已
自少至老在鄉黨猶有未諳人國未易知也然未嘗求無知往
時吾郡中大司空劉南垣雖同時士大夫雅不多歷先生尚在
弟子每見必稱曰嚴長公每假輒駕自往候吾老師一菴夫子
從羣弟子中目鎮曰錢子有志尚不及嚴子渾然純厚吾未能
量其所至也吾湖至今以為吾二人定論乃錦川獨兩先生知
之耳人愚無知者錦川既以為二先生深知敏不幸以渾：詆
為碌：從潔白受其關濫猶為無傷夫受知者無甚益不知者
亦微有損故曰在上者恒患知人之難也昔郭林宗過袁閭不

宿而退往從叔度必累日嘗曰奉高之器譬如汎濫雖清而易
挹叔度汪：若干頃波澄之不清消之不濁不可量也鎮與先
生猶是耳賴得先師夫子一言鎮至今得為錦川之奉高詎不
幸歟先生姓嚴氏諱大觀別號錦川蓋里中川名也七世祖震
直公開國時以賢良擢用事太祖高皇帝為工部尚書四傳至
雋都知縣西園公鑒鑒生翠庭公濂翠庭娶滁州守陸公女生
先生先生弱冠遊郡庠與鎮先後僅越歲始識先生於胡安定
祠兩曰可遂定交鎮始獲交于先生時抵其家必留止或累旬
逾月以久故於其家表裏情濔皆請悉先生父翠庭公與其同

枝近屬昆季桐江滙川皆雅好修飭持身甚謹嚴氏自世宗皇帝初年去尚書公世已一百五十餘年而闕閤故舊家聲未完整鄉人無敢登其堂惟接士不以其世士至延接款遇懇懇甚備請公家僅給無飽餘朝夕過從所談論惟于吾郡中世家舊鉅族考德論舊及存亡興替所共嗟歎略不及于商家拓業之事每聚會必竟日先生於諸父間唯諾謹趨走周旋供給豐備故諸父皆得以從其所好怡其既老之年存其故家之體存於嚴氏而知其寬大博厚孝敬恭謹所從來深遠矣自此後數十年來今先生已逝夷考嚴氏自昔豐藏厚積之家皆哀精勢

從迫無暇延士至父子昆季宗鄰間欲其歡然和洽彼此有無豐嗇不色見今無有也吾因嚴氏而有感於世道愈下也悲夫先生凡八試棘闈年五十始以貢謁選初授江陰訓導歷轉嘉定教諭及賓國教授以疾告抵家郡太守李及泉雅敬先生數請為鄉飲大賓每接必虛心請教甚尊重先生賦性明睿洞然中啟叩之言簡而理盡氣和厚不設畦町故人皆樂與之遊虛懷傾倒底裏畢見疵累不隱表裏瑩然親我猶是疎我猶是邇而不昵遠而不攜有茹納含蓄之度泯彼此去就之迹可想見近古渾厚之氣象老成胸純白之胸次而今不可復得也先生

母弟大臨大防大臨丰骨俊爽負氣奇邁大防韜穎善決究極理奧皆有老學問不幸背醫卒長公既如彼仲季又如此麟鳳既生其家不獲顯達至治文明之祥可見造化之力未完氣機鬱而未鬯氣未化滴而未醇吾豈徒為其家惜哉可歎也已先生生于正德戊辰六月十二日歿于萬曆庚辰十月初九日享年七十有三元配崔氏生子女各一人子寅亮娶施氏早卒女適長興庠生吳思寅教諭心田先生之長子繼配錢氏生子女共五人子懋昭邑庠廩生娶沈氏子緝熙娶張氏繼莊氏子浚明娶范氏大司成屏麓公女也女一適郡庠生唐炳音即刑

部主事一庵先生季子一適壬午舉人閩連慶太學生石塘公季子寅亮為大臨後緝熙為大防後內外孫二十人孫男家齊娶鍾庠生女家教娶王氏教諭靜泉公之女繼姚氏家範娶戚氏家傳娶鎮次子士衡之女餘未聘孫女一適太學生臧繼薦封工部郎中一齊公之季子一適庠生鍾應陸一許聘吳嗣元一許聘茅斗徽餘尚幼曾孫男女十餘人俱幼懋昭等卜地於城西康山之原將于乙酉年十二月初七日癸酉扶先生柩葬焉懋昭以知先生最深者莫鎮若也請予為之銘予不能辭銘

曰

先生之為德也不欲落々如石碌々如玉寬厚博大不見邊幅
大上有云至人為腹不為目公不縮蓄亦不獵陶可想高蹤
賜進士出身奉政大夫前兵部武選清吏司郎中通家眷弟錢
鎮垣首拜撰

巡按遼東監察御史嚴公杰傳

嚴杰字子俊號印臺烏程人嘉靖二十九年進士授中書舍人
拜監察御史為中貴所嫉謫判臨清有部使者欲致庭跪不屈
遷贛州司理不赴歸卒訖節甫蕭良誌其墓

湖州府志人物傳

嚴杰字子俊烏程人嘉靖庚戌進士授中書舍人拜監察御史
為中貴所嫉謫判臨清有部使者欲致庭跪不屈遷贛州司李
不赴歸卒

烏程縣志

晉江縣知縣嚴公自完傳

嚴自完字未瑜號心遠歸安人大節孫父範隆慶舉人以元妄
進成自完發憤勤學以圖報萬歷四十四年進士廷試次日即
伏闕為父訟寃不報除授不拜竟歸己未授惠安知縣調晉江
多惠政以父未復籍不得封疏請甚堅憂致疾自摻不復起泣
涕俟命下封典至喜曰可瞑目以見吾親地下矣遂卒無餘資
士民贈送者萬人路經惠安界百姓挽入發喪送出境六十里

泉州祀名宦

湖州府志
人物傳

贈禮部左侍郎蘇州同知嚴公覺傳

嚴覺字知非歸安人萬曆三十四年舉人授上海教諭陞巢縣知縣巢為江北孔道邑小而無城繚以短垣不可守覺至剔宿弊除積蠹戰豪右民歌頌之遷蘇州同知士民攀轅各臺具疏乞留未離任流賊破壽州而南遂攻巢被執不屈為賊所殺妻莫氏投繯死子有芑字豐恩以身蔽父屍號慟痛賊賊手刃之妻東張溥為之傳稱一門忠孝節義云乾隆八年祀名宦江南

通志參歸安縣志乾隆中通議烈愍節蘇州府志人物傳

贈陝西巡撫嚴公錫傳

嚴錫字冲涵歸安人萬曆十六年舉人任於潛教諭陞政和縣知縣居民失火通焚縣署錫衣冠籲天願以身殉遂反風滅火調大興縣晉刑部員外郎恤刑河南平反不下千人致政歸潛心理學所著有聖賢樹記

湖州府志人物傳

誥授通奉大夫陝西巡撫嚴公爾珪傳

嚴爾珪字珣如歸安人錫子天啟二年進士初知海門邑濱海
南畝為洪濤衝決民間歲賠虛糧數千石爾珪親履勘核申請
豁免民利賴之晉尚禮部出守廬州教養兼至稱循良第一擢
粵東參議調廣東副使寇盜猖獗剝撫多方四境帖然轉江西
布政使予告終養家居歲大饑輸糴賑粥全活無算弟爾琮崇
禎癸未進士知東莞縣撫恤巨寇遠近藉以安堵

湖州府志
人物傳

諸生嚴公啟隆傳

嚴啟隆字開之號爾泰烏程人廩生博學好古名噪儒林鼎革後隱居治春秋經謂胡傳未得聖人大旨故根據左氏著春秋大聲集春秋傳註多允饒所未發書法亦為藝林珍重

湖州府志人物

傳

嚴啟隆字爾泰號開止烏程人明末為名諸生會鼎革幅巾野服杜門不見著春秋傳註輯編年二書

烏程縣志

節戴重事錄

戴字敬夫和州諸生慨然有大志甲申順治元年三月明亡

福王南都是國應天心撫程世昌聘重入幕時馬士英阮大
鍼用事重斥指其奸幾及禍會解有解得授湖州推官及至
湖南都已被遂由大全抵後林村烏程諸生嚴啟隆語重
曰程公深受國恩風有名望或者天未棄周人猶思漢今日
心撫卹勅尚在不以此時戮力亦奚以為誠假烈祖之靈降
台天下豪傑東收吳會西連閩越相機而進天下事未可知
也不移出民而匿身避禍顧影求全日後按籍誅求即欲避
遙蒼雲之間豈可得乎重因以激厲世昌世昌畏甚不決重
遂謝去會清兵下蘇杭遺民故臣多建勝國義旗數來聘重

重不赴獨與潘國瓚嚴啟隆起義兵于象口會于洞庭山逆
清兵于蒼溪互有勝負重方集眾昆山忽大風雨吹折豹轟
帆檣旗幟皆裂軍殘無復行列乃仰天大慟曰自與公等舉
義馬革裹尸夙所願也今三軍未交天意如此人事復何望
乎因慷慨賦詩有更進包胥何處哭誰為荆軻復同謀之內
聞者悲之後集師再舉重中流矢洞腹啟隆亦被刀創云下
略

啟豐曰國初勅修明史凡前明抗節諸臣悉予褒錄無忌諱
先開之公與戴啟夫先生以亡國一諸生仗義興師功雖不

成其志大可哀矣而不得與復社諸生江天一等並載明史
悲夫是節見紀載彙編家乘府志輒詳不書茲特表而出之
以彌志乘之缺云爾

開之公傳略

公諱啟隆字開之號爾泰又號巖嶺幹子 大司空公七世孫
博學好古名噪儒林鼎革後居謝村福田寺之墨蕉園治春秋
經謂春秋之旨重誅亂討賊而治亂賊莫嚴于大夫胡傳未得
聖人大旨故根據左氏鍼砭胡傳闢宣聖與義發先儒所未發
著春秋大聲集錢牧齋有序稱為尼父功臣康侯諍友後並加
修改更闕十數年改春秋傳注三十六卷

欽定春秋傳說彙纂十六條又著巖幹子澹軒集澹軒詩韓子
編年俱行世書法初模柳公權既而出入義獻父子藝林得其

片紙珍如拱璧馬肅字行孫義涵識

讀書齋寫本

祀鄉賢贈禮部侍郎嚴公有穀傳

嚴有穀字既方歸安人崇禎六年副榜父覺宰巢縣遇流寇之
難與母莫氏幼弟有芑同日死有穀從亂中負骨歸葬躬自負
土手捐俱裂夜有曳至盤墓門盤旋而去葬後廬墓三年終喪
杜門不出於城東構嗜退廢採輯古人嘉言懿行以垂後以子
我斯貴封奉政大夫贈禮部侍郎祀鄉賢

湖州府志人物傳

嚴孝子有邑傳

嚴有邑字豐恩歸安人諸生父覺為巢縣知縣有邑往有遂留
署中崇禎乙亥流賊陷巢縣父為賊所害有邑以身蔽父尸號
慟罵賊碑之肩臂既斷猶怒目而視越三日始殮面如生
人物
傳

俱

嚴廣興傳

嚴御風字廣興號冷然初名有容歸安人祖軒貢生兵慶衛教
授父自省萬曆壬午舉人中書舍人廣興博涉羣書通達時務
崇禎初舉賢良陰漂陽丞以卓異第一遷池州判歷福州同知
汀州漳州知府所至百廢俱舉擢按察使僉事脩兵江右丁憂
歸鼎革後徵不出順治六年卒年六十五廣興世居雙林雙林
之嚴與石冢同源石冢我鳳林分派也廣興明季循吏其舉主
即石冢孫如副使孫如興廣興故兄弟行內舉不避親亦猶行
古之道焉孫如子三求稱廣興古文雄高自恣今隻字不傳亡

觀臺得摺扇面有東坡寺朱賢臣墓詩二首末題萬厯癸卯嚴
有容蓋翁冠時作其詩曰翁子二千載長眠秀水隈雙尖新故
臣駸駸短長才寺偈碑仍寧墳碩土大培紒以游冶女爭上漢
臣臺又云嚴助同佳傳緇流守冢人猶憐承地仲曾帶會稽春
石冷行吟夢花殷去婦塵自滅從成雁塔不復圓駸駸詩有風
致可入湖州詩錄再續故所記于此嚴可均

右見鐵橋漫稿

徵士嚴公書開傳

嚴書開字逸山歸安人崇禎六年舉人明亡至昌平州哭陵既
歸啟開門不出潭陽陳百史方柄用合肥龔芝麓同年友也折
東拉西峻拒弗與通約二三素心為閭道社父爾珪自粵歸病
瘳之勿效忽異人授靈方以進父病即愈人謂孝感卒壬寅
間鄉民通賦為代輸三千金撫庶弟如子割產贖族姻賴以舉
大者數十家

湖州府志
人物傳

嚴書開字三求歸逸山崇禎癸酉舉人明亡至昌平州哭陵既
歸開門不出潭陽陳百史方柄用合肥龔芝麓同年友也折東

拾雪峻拒弗與通約二三素心為開道社父叅政自粵歸病瘵
之勿效疑中粵甚時寇盜充斥千里無煙度大廈無所憑托惚
聞九華山三字遂往召異人授靈方歸進叅政病即愈人謂孝
感辛丑壬寅之交鄉民通賦為代輸三千金撫庶弟如子授遺
不虧錫鉢剝產贍族姻戚賴以舉火者數十家雖遊世而於世
道常有隱憂以三吳大水為作蘇松杭嘉湖五郡穀粟贏乏說
備詳治承圩塘濬水道沿革利弊及義倉社常平廣惠預備諸
倉請析詳核至今施行

〔費恭庵日記〕順治庚子七月差滿洲餉部邊叅二人臨湖州

查已裁錢糧程安二縣紳衿幾受大禍諸生中貧不能完者
十之二三有同袍嚴蔚宗名書開者倡議助納各自通知親
族及相好者俱驚懼大約欠銀分釐願出兩許而朱祐明助
銀五百兩董惟儒助銀五百兩故得以大費成事嚴蔚宗代
完又約五千金其餘衿袍總無有不費者

汪曰模南潯
清鎮志卷餘

芳先嚴公紀略

先外曾祖考芳先嚴公係 西塞大司空九世孫也娶外曾祖妣吳孺人孺人歸外曾祖二載而外曾祖頓亡遺一女字先考祖考晉三公先祖世籍竹溪入贅鳳林因逐家焉外曾祖妣年十九而寡上自高曾祖及翁姑四世俱拮据營葬而又恐先人為若教之鬼謀似續於強近之嗣所貽屋宇材料願歸 五世祖祠作 四世祖後侵而虛一椽於旁以附三世木主於其中其謀深其慮遠也嗚呼外曾祖妣孀居五十五年苦節貞履折不易老等更有不敢忘者先祖考英年早逝遺先府君兄弟

四人外曾祖妣鍾愛無異所生與先祖妣撫養教誨延師課讀
先府君與先叔考學山公譽重膠庠冀圖顯揚生請建坊以仰
報外曾祖妣撫育之恩憾有未逮康熙四十八年欽奉

聖祖諭旨內開外孫子許封贈外祖父母吾父顧謂吾叔曰吾
於辛酉呈薦而置之功名之念灰矣爾果得邀捷音外祖父母
庶有榮矣越明年而吾叔病革此願莫伸夫以外曾祖妣之節
孝母儀久載也乘不能代為請坊而顧於歸屋建祠之囑不得
恪遵遺命罪莫大焉第是堂也已為繼孫轉售幾廢成言前甲
子秋會嚴氏有修祠之役先府君偕諸父捐貲給與友諱公贖

因此後宇之所由建也公議芳先公以上三世木主位於後堂
左間西向爰製匾額懸於故楹左柱之上用以誌外曾祖妣松
筠之節云爾獨是外曾祖墓春秋祭埽已無忒祀而神靈之棲
於廟者不可以無祭先府君偕諸父捐銀拾兩又得受店屋歸
償銀陸兩共存貯外曾祖本支置產為春分祭享之資此亦吾
諸父不忘所自之微意也今屋嚴氏增訂譜系謹述先言俾得
附梓以垂不朽云時乾隆乙丑三月外曾孫沈

冲志沐手拜撰
維楨

莆田縣歸安嚴君洎配陸孺人合葬墓誌銘

讀書齋寫本

莆田君有妻曰陸孺人先君三年暴卒湖人言狀互異於孺人內行實無他而莆田君之歸也勢不可問狀不得已托聲酒自汙久之亦暴卒卒之後逾年而有司稍得其情以快公論可悲已君姓嚴氏諱廷儀字君羽登萬曆壬辰進士初治莆田有聲績自聞妻訃宦情益怠無何以應調歸里君白哲美丰姿幼奇穎讀書目數行下方伯陸公某擇壻得君喜故孺人歸為孺人美而警敏姑慎春秋高聞委笄鑰笈甚媒怨集擇竟以此失姑意卒不可解君之宦莆田也孺人不偕往比喪書相迎書竟

浮湛已曲達一緘孺人喜曰君殆不忘我禍逆作傷我君湖之歸安人曾大父賓壻前丘之吳始去菱湖家前丘大父介仕為福建布政司理閭父汝麟嘉靖乙丑進士仕終雄府長史母湛封太孺人長史公四子君其仲也君死且葬長史公太孺人尚無恙一子其家娶前南駕部郎仕詮孫女駕部君寶狀君夫婦而乞銘於余君少年登科官止墨綬未展其才夫婦稱兩美哉生肘掖不獲修齡有足悲者非銘其何以快諸地下其哀下葬君孺人於錦峰山背之原而日為六月己丑是歲萬曆廿九年辛丑也銘曰

合而離乎生也多憂離而合乎死也一丘傷於莆田才餘而齒
不修孺人并見命其娛諸幽秀水馮夢禎謨

快雪
堂集